



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

2. De Euagrio Philosopho, qui cum defunctus esset, miraculosè testatus est, se pro auro in pauperes erogato, centuplum à Christo recepisse.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

Hugo Etherianus (qui claruit anno 160. teste Trithemio) in libr. de regressu animarum ab inferis cap. 15. Ioann. Moscus Euiratus in Prato spiritali cap. 195. Ioan. Zonaras tom. 3 Annalium. De Euagrio philosopho, qui cum defunctus esset, miraculose testatur est se pro auro in pauperes erogato, centuplum a Christo recepisse.

CAP. II.

Contigit hæc
historia tēpo-
ribus Theo-
philipatriar-
cha Alexan-
driniteste
Mosco Eui-
rato.
Episcopo no-
men fuit Sy-
nestus Cyre-
nensis vrbis
Episcopus sub
Alexandrino
Patriarcha.

A pud Alexandriam Episcopus quidā vi-
ta admodum venerabilis, quendam in
vicinia sua philosophum habuit, Eua-
grium nomine: qui quidem quanquam genti-
lis fuisset, Episcopi tamen amicus erat, quia in
philosophorum gymnasio extiterat eius disci-
pulus. Hunc Episcopus ad fidem Christiana-
norum promouere cupiens, ei salutaris verba
frequenter prædicabat. Quibus cum nequa-
quam philosophus caperetur, Episcopo perhi-
betur dixisse. Domine mi, inter omnia mihi
displicet, Christianos vos somniare, mūdum
finiendum, corporum resurrectionem futu-
ram, mercedes secundum opera reddēdas fo-
re, asserentes insuper quod qui miseretur pau-
peri, foeneratur domino, qui in nomine Chri-
sti pro animabus vestrorum defunctorū Chri-
stianis pauperibus subuenit, centuplum reci-
piet. Quæ omnia quoniam procul à vero sunt,
ludicris & fabulis annuero. Verū Episco-
po confirmante multis argumentis nihil falsi-
tatis esse in dogmatibus Christianorum, dis-
cessit

cessit Philosophus: & haud multò post tempore credidit episcopi prædicationi, atque baptizatus est. Tandem aliquando cum rerum suarum facturus esset rationem, accersuit episcopum atque ait: sume auri libras sexaginta, pauperibus prout dixisti distribuendas, data syngrapha, quod à iudice Christo pro vna centum in illo (de quo tanta sonas) sæculo recepturus sim. Quod cum Episcopus sine cunctatione fecisset, accepit pecuniam eo modo quo prædixerat philosopho, eam pauperibus erogaturus. Denique cum iam moreretur Philosophus, iussit filijs suis, ut sibi chirographum pontificis in manu sepeliretur. His ita peractis post diem tertium Philosophus Episcopo in somnis apparuit dicens ad eum: Vade ad sepulchrum meum ô episcope, & recipe idio-graphum tuum: nam debitum omne recepi, neutiquam iam mihi obligaris, cum iam dudum à Christo centuplum certè acceperim: quinetiam ut nulla te ambiguitas circumagat, propria manu subscripsi. Obstupuit igitur Episcopus prorsus, eorum quæ gesta fuerant ignarus. Qua de re sub diluculum filios accersiri iussit philosophi, à quibus cum didicisset verum esse quod in somnis viderat, conuocato urbis clero, perrexit ad monumētum. Quo aperto philosophū sedentem conspicati sunt, manumque protendentem cum literis. Quas unus clericorum episcopi acceptaturus, de manu illius euellere nequiuit. Porrigebat enim

Hh 5

nim

nim episcopo. Pontifice igitur accipiente literas, Philosophus recubuit: Episcopus in conspectu omnium eas perlegit, tenor autem scripturæ, quam paulò ante ediderat ipse Philosophus, huiusmodi erat: Euagrius Philosophus, sanctissimo episcopo Synesio in domino gaudere. Noluerim te pater ignorare, & pecuniam omnem, quam tibi adhuc in corpore viuens dedi, centuplicatam, sicut mihi promiseras, recepi. Quamobrem nulla debiti ratione mihi astringeris. His auditis, obstupuerunt omnes qui astabant. Ast cautio, episcopi haud negligenti iussione reposita est. Quare & amici manifestum est, quid sacratissimi corporis oblatio, quid oratio, quid eleemosynæ nobis conferant: Procul dubio peruersitatis plumbum conuertunt in argentum synecritatis. Cautio illa, inquit Ioannes Moscus, manu philosophi subscripta, seruatur vsque hodie, & in sacrario sanctæ Cyrenensis Ecclesiæ custoditur, & quicumque sacrarij custos ingreditur, hæc illi cum cæteris vasis sacris assignatur custodienda cum omni diligentia, qui deinceps successori suo integram illam inuolatamque reconfignat.

D. Gregorius Magnus libr. 3. Dialogorum cap. 1. Augustin. libr. 1. cap. 10. de ciuit. Dei De S. Paulino Nolano ciuitatis Episcopo, eiusq. in captiuos & pauperes admirabili liberalitate, qui cum se pro alijs in seruitutem dedisset, cum multis alijs libertati restitutus est.

C.A.